

2021-mi meeqqat atuarfianni soraarummeernerit

Tabelini meeqqat atuarfianni inaarutaasumik misilitsittut FA-milu atuartut agguaqatigiissillugu karakterii kommunit, suaassutsit, atuarfillu malillugit kiisalu kommunikkaartumik karakterit agguataarneqarneri pineqarput.

Annertunerusumik periaatsimut nassuiaammi naatsorsuineq pillugu atuartoqarsinnaavoq.

Erseqqissaatigineqassaaq kisitsisini paasissutissani meeqqat atuarfianni misilitsinnerit naammassineqarsimasut inerneru kisimik naatsorsorneqarmata. Taamaattumik atuartut inaarutaasumik misilitsissimanngitsut annertussusaat nalunaarsuuteqanngillat.

Meeqqat atuarfianni inaarutaasumik misilitsinnermi karakterit

Meeqqat atuarfianni inaarutaasumik karakterit Ilinniartitaanermut Aqutsisoqarfiup Karakterdatabase-ani saqqummiunneqartarput. Meeqqat atuarfianni inaarutaasumik karakterit kisitsisaataasivimmi saqqummiunneqarnerinut siunertaavoq nalunaarsuutit tamanut pisariinnerusumik atorineqarsinnaalernissaat. Massakullu ukiumiit ukiumut karakterit aammalu assersuutigalugu atuarfiit akornanni karakterit ineriartornerat ajornannginnerusumik sanilliunneqarsinnaalerput.

Nalunaarsuutit tunngaviusut

Meeqqat atuarfianni inaarutaasumik karakterinut naatsorsuinnermi Ilinniartitaanermut Aqutsisoqarfiup Karakterdatabase-ani nalunaarsuutit atorineqarput.

Karakterdatabase meeqqat atuarfianni ukiumi atuarfiusumi karakterinik, inaarutaasumik misilitsinnermi karakterinik taamatullu Majoriami imaluunniit Kalaallit Nunaanni højskolini efterskoliniluunniit piginnaanngorsarluni meeqqat atuarfianni soraarummeernermi misilitsissummik naammassinnissimasut karakteriinik imaqqarpoq.

Database atuartut inaarutaasumik misilitsinnissamut peqataasussaannngitsutut akuerisaasimasut nalunaarsuutaannik imaqqanngilaq. Amerlanertigut tamanna specialklassini atuartunut pisarpoq. Taamatuttaaq atuartut Danmarkimi efterskolini 10.klassersimasut nalunaarsorsimanngillat.

Meeqqat atuarfianni aqqissuuseqqinnerup eqqunneqarnerata kingorna atuartut soraarummeertut siulliit 2008-mi Atuarfitsialammi soraarummeerlutik misilitsippat. Aqqissuuseqqinnerup siuliani eqqunneqarneratalu kingorna karakterinut nalunaarsuutit

sanilliunneqarsinnaanngillat, taamaattumik kisitsisitigut paasissutissani peqqussutip nutaap atuutileranerit atuartut karakterii kisimik ilanngunneqarput.

Periaaseq

2008-mut nalunaarsuutit atornerqartut peqqussummi siullermi nutaamilu atuartut inaarutaasumik karakteriinik imaqarput. Kisitsisitigut paasissutissani peqqussummi nutaami atuartut kisimik ilanngunneqarput.

Karakterit nalunaarsuutaat misissorneqarput, inuup-normui atorsinnaanngitsut peerneqarlutik. Atuartut Meeqqat atuarfianni naggataarlutik atuartunut aammalu FA-mi atuartunut klassip qaffasissusai malillugit agguaanneqarput. Klassit qaffasissusaanni kukkusumik nalunaarsorsimasat aaqinneqarput. Marlorialuni nalunaarsorneqarsimasinnaaneq misissorneqarpoq, taamaasilluni inuup-normui tamarmik immikkut fagimut ataatsimut, inaarutaasumik misilitsinnermut ataatsimut, klassip qaffasissusaanut ataatsimut aammalu ukiumut pineqartumut ataatsimut karakteri ataaseq nalunaarsorneqarpoq. Atuartut napparsimallutik, aggingitsoorlutik il.il. soraarummeerluni misilitsinnermi peqataasimannngitsut peerneqarput, taamaasilluni nalunaarsuutini atuartut karakterillit kisimik ilaatinneqarlutik. Taakkulu saniatigut aalajangerneqarpoq faginut toqqagassanut aammalu allamiut oqaasiisa pingajuannut karakterit nalunaarsuutaat saqqummiunneqassanngitsut, nalunaarsukkat ikippallaarnerat kisitsisinilu paasissutissani sanilliunneqarsinnaannginnerat peqqutigalugu.

Naatsorsuineq

Inaarutaasumik misilitsinnerni karakterit kisitsisitigut paasissutissaat agguaqatigiissillugit kisinneqarput aammalu kommunit, atuarfik, klassip qaffasissusaa, suaassuseq ukiorlu malillugit naatsorsorneqarlutik. Taassuma saniatigut kommunit malillugit karakterit agguaannerinut, karakterilersuisarneq A-B, C-D, E aammalu Fx-F atorlugit, kisitsisitigut paasissutissiortoqarpoq. Kisitsisini paasissutissani nalunaarsuutit sisamanit ikinnerusut saqqummiunneqanngillat.

Killiliineq erseqqissagassallu

Karakterit agguaqatigiissinnerinut imaluunniit atuarfiit malillugit karakterit agguaannerinut sanilliussinnermi atuartut ikittunnguusinnaaneri eqqumaffigineqassaaq, kisitsisitigut paasissutissani nalunaarsuutit ikitsillugit inuit amerlassusaat apeqqutaalluinnartarmat ukiumiillu ukiumut nikerartitsinnaalluni.

Ilinniartitaanermut Aqutsisoqarfiup Karakterdatabase-ani atuartut arlallit pillugit nalunaarusioqqinnerit pissutigalungit 2021-mi inernerit 9.marsi 2022-mi nutarterneqarput.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginniffissaq

Samo Nielsen

E-mail: snie@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

